



Projekat finansira
Evropska unija



JAVNI POZIV ZA ODABIR TRENERA ZA PROVOĐENJE OBUKE NA TEMU UPRAVLJANJE PROJEKTNIM CIKLUSOM ZA ORGANIZACIJE CIVILNOG DRUŠTVA

Savez općina i gradova Federacije Bosne i Hercegovine (Savez) u okviru projekta „Podrška razvoju uslužno orijentisane lokalne samouprave u Federaciji Bosne i Hercegovine“ raspisuje javni poziv za izbor trenera koji će pružiti usluge obuke iz oblasti Upravljanja projektnim ciklusom (PCM) za organizacije civilnog društva (OCD) u Federaciji Bosne i Hercegovine (FBiH).

Aktivnosti projekta Podrška razvoju uslužno orijentisane lokalne samouprave u FBiH naslanjaju se na Regionalni program lokalne demokratije na Zapadnom Balkanu 2 (ReLOaD2), koji finansira Evropska unija (EU), a implementira Razvojni program Ujedinjenih nacija (UNDP).

Cilj ReLOaD2 projekta je jačanje partnerstava lokalnih vlasti i civilnog društva na Zapadnom Balkanu širenjem uspješnog modela transparentnog projektnog finansiranja OCD-a iz budžeta JLS, te većem građanskom učešću u procesima donošenja odluka i unapređenju nivoa pružanja usluga u lokalnim zajednicama.

Svrha

Svrha obuka je jačanje kapaciteta lokalnih OCD-a da osmisle i implementiraju projekte koji doprinose lokalnom razvoju i pružanju usluga.

Cilj

Trener/i će na osnovu već izrađenog kurikuluma organizovati PCM obuku OCD-ma u određenim partnerskim lokalnim samoupravama ReLOaD-a (JLS) tokom trajanja javnih poziva organizovanih od strane JLS.

Treninzi će se održavati na sljedećim lokacijama: Centar Sarajevo, Novo Sarajevo, Goražde, Prozor Rama, Mostar, Vitez i Bihać.

Angažovani trener/i će provoditi obuke u sljedećim okvirnim terminima:

- Općina Vitez, početkom marta
- Općina Novo Sarajevo, početkom marta
- Grad Bihać, sredinom marta
- Općina Prozor – Rama, u martu
- Općina Centar Sarajevo, krajem marta
- Grad Goražde, u aprilu
- Grad Mostar, u maju

Tačni datumi održavanja treninga će se usaglasiti sa predstavnicima JLS i zavisit će od tačnog vremenskog okvira u kojem će JLS objaviti javni poziv za finansiranje projekata OCD.



Projekat finansira
Europska unija



Od trenera se očekuje da obavi sljedeće zadatke:

1. Izvrši pregled pripremljenog materijala, upozna se javnim pozivom i kapacitetima OCD za svaku JLS i spremi za obuku
2. Realizira obuku
3. Izradi izvještaj pojedinačni za svaku JLS i konačni.

1. Pregled materijala i priprema za obuku

Trener/i će izvršiti uvid u sve pripremljene dokumente vezane za zadatak, uključujući program obuke za PCM za OCD, LOD metodologiju i drugo. Ovi materijali će biti obezbijeđeni od strane Saveza i služiće za pripremu za izvođenje obuke. Nakon pregleda, trener/i će prilagoditi paket obuke za učesnike, uključujući sve relevantne prateće materijale (dnevni red, prezentacije, brošure, ulazni/izlazni test, druge referentne materijale). Obrascе za procjenu poslije obuke će obezbijediti Savez. Pored ovih tehničkih modifikacija, od trenera se traži da razvije/u primjenjive studije slučaja i grupne vježbe koje će biti uključene u postojeće materijale. Relevantni materijali će biti odobreni od strane Saveza prije izvršenja obuke.

2. Realizacija obuke

Trener/i će provesti PCM obuku za OCD iz gore spomenutih JLS. Trajanje treninga je 2 dana za svaku JLS, dok je za pripremu predviđeno ½ dana i izvještavanje ½ dana po JLS. Ukupno 3 dana za svaku JLS. Za općine Novo Sarajevo i Centar Sarajevo predviđen je po jedan dodatni dan za mentorstvo.

Predviđeni broj polaznika po treningu je između 10 - 20. Obuka će se održavati u prostorijama JLS i treba biti interaktivna, potičući učesnike da se angažuju, postavljaju pitanja i raspravljaju. Obuka treba pružiti učesnicima relevantno znanje i vještine koje će im omogućiti da osmisle projektne ideje, uspješno napišu i realiziraju projekat.

Nakon realizacije obuke, trener će provesti evaluaciju (koja će obuhvatiti ocjenu sadržaja obuke, kvalitet trenera i metode obuke, te procjenu stečenog znanja). Mjesto i logistika obuke bit će osigurana u svakoj JLS od strane Saveza.

3. Izvještavanje

Po završetku obuke, trener/i će pripremiti završni izvještaj za sve provedene obuke koji će uključivati, ali neće biti ograničeni na: ciljeve obuke i postignute rezultate, broj polaznika, analizu znanja prije i nakon obuke, naučene lekcije i preporuke, evaluaciju učinka obuke, evidenciju postavljenih pitanja, itd. Svi predstavljeni podaci o učesnicima trebaju biti podijeljeni po polu. Nacrт izvještaja treba dostaviti Savezu na jednom od službenih BH jezika na latinici (MS Word elektronska verzija). Konačna verzija izvještaja mora uzeti u obzir sve komentare koje je dao Savez.

Vremenski okvir:

Krajnji rok za realizaciju svih obuka je 26.05.2023. godine.

Krajnji rok za dostavu završnog izvještaja je 31.05.2023. godine.



Projekat finansira
Europska unija



Od trenera se očekuje da:

- Posjeduje reference kojima može dokazati vještine vezane za osmišljavanje i izvođenje treninga;
- Pozna rad organizacija civilnog društva;
- Posjeduje najmanje 5 godina relevantnog i dokazanog profesionalnog iskustva u pružanju PCM obuka;
- Posjeduje iskustvo u korišćenju MS Office-a (MS Word, Excel i PPP, itd.) i pisanju izvještaja;
- Prethodno iskustvo sa UNDP-om i Savezom je prednost.

Opšti uslovi:

- Da su državljani Bosne i Hercegovine;
- Da su stariji od 18 godina.

Potencijalni kandidati su dužni dostaviti sljedeće dokumente:

- Finansijski prijedlog troškova trenera pojedinačno po obuci i ukupan iznos (honorar, troškovi prevoza, smještaja u bruto iznosu);
- Biografiju (CV) na jednom od službenih BHS jezika, sa posebnim naglaskom na oblast javnog poziva;
- Referentnu listu kojom se dokazuju očekivane kvalifikacije;
- Validan certifikat PCM trenera od renomirane institucije (poželjno);
- Popunjen prijavni obrazac;
- Kopiju lične karte;
- i drugu dokumentaciju kojom se može dokazati ispunjavanje uslova za vršenje ekspertskih usluga iz oblasti za koju je raspisan javni poziv.

Dokumenti moraju biti u originalu ili ovjerene kopije.

Popunjen prijavni obrazac, uz priložene dokaze o ispunjavanju uslova, dostaviti putem e-maila na dino@sogfbih.ba ili pošte na sljedeću adresu:

Savez općina i gradova Federacije Bosne i Hercegovine

Adresa: Musala br. 5, 71 000 Sarajevo

s naznakom „Za javni poziv“, **najkasnije do 1.03.2023. godine.**

Za dodatne informacije, zainteresirani se mogu javiti na telefon broj: 033 216 502, kontakt osoba je Edin Demirović.

Nepotpune i neblagovremene prijave neće se uzeti u razmatranje.

Obrazac za prijavljivanje možete preuzeti na web stranici Saveza: www.sogfbih.ba

Prijave će se ocjenjivati na osnovu kumulativne analize uzimajući u obzir kombinaciju tehničkih kriterija i finansijskog prijedloga. Tehnički kriteriji će iznositi 60% (60 bodova), a finansijski prijedlog će iznositi 40% (40 bodova) ukupne ocjene.